



Broj:

Sarajevo, 04.11.2020. godine

PARLAMENTARNA SKUPŠTINA BOSNE I HERCEGOVINE SARAJEVO
PREDSTAVNIČKI DOM

n/r predsjedavajućeg, gđin. Nebojša Radmanović

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:		05-11-2020	
Organizaciona jedinica	Klasifikaciona oznaka	Redni broj	Broj prijema
01-	50-1-	2169/20	

Na osnovu člana 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), podnosim

POSLANIČKU INICIJATIVU

kojom Predstavnički dom Parlamentarne skupštine Bosne i Hercegovine zadužuje Vijeće ministara Bosne i Hercegovine da u što kraćem roku, a ne kasnije od 30 dana od dana usvajanja ove inicijative, pripremi i u parlamentarnu proceduru uputi Prijedlog zakona o regulatoru električne energije i prirodnog gasa, prenosu i tržištu električne energije u Bosni i Hercegovini i Prijedlog zakona o operatoru prenosnog sistema u Bosni i Hercegovini, kako bi realizirali obaveze iz Trećeg energetskog paketa iz Ugovora o uspostavi Energetske zajednice i obaveze preuzete Analitičkim izvještajem Evropske komisije iz Mišljenja Evropske komisije o zahtjevu Bosne i Hercegovine za članstvo u Evropskoj uniji.

Obrazloženje

Vijeće ministara Bosne i Hercegovine je na 14. sjednici održanoj 29.07.2020. godine usvojilo Program rada Vijeća ministara Bosne i Hercegovine za 2020. godinu. Navedeni Program rada dostavljen je Parlamentarnoj skupštini Bosne i Hercegovine dana 11.09.2020. godine. Pod tačkom 9.2.1.1. predmetnog Programa rada navedeno je sa rokom realizacije „*drugi i četvrti kvartal 2020. godine*“ sačinjavanje Zakona o regulatoru električne energije i prirodnog gasa, prenosu i tržištu električne energije u Bosni i Hercegovini i Zakona o operatoru prenosnog sistema u Bosni i Hercegovini. Kao razlog za donošenje ovih zakona navodi se „*transponiranje obaveza iz Trećeg energetskog paketa iz Ugovora o Energetskoj zajednici*“. Također, važno je napomenuti da se obaveza izrade i usvajanja ovih zakona navodi i u Srednjoročnom programu rada Vijeća ministara Bosne i Hercegovine za period 2020.-2022. godina, gdje pod tačkom 9.2.1. u okviru rada na ispunjavanju obaveza preuzetih Ugovorom o uspostavi Energetske zajednice („Službeni glasnik BiH – međunarodni ugovori“, broj 9/06 – Odluka o ratificiranju Ugovora) i drugih međunarodnih obaveza stoji planirano da će se u 2020. godini pripremiti Zakon o regulatoru električne energije i prirodnog gasa, prenosu i tržištu električne energije u Bosni i Hercegovini i Zakon o operatoru prenosnog sistema u Bosni i Hercegovini.

Nadalje, Vijeće ministara Bosne i Hercegovine je na 152. sjednici održanoj 29.08.2018. godine donijelo Odluku o usvajanju Okvirne energetske strategije Bosne i Hercegovine do 2035. godine („Službeni glasnik BiH“, broj 70/18), gdje na strani 154. stoji sljedeće: „U Bosni i Hercegovini nije zaokružen zakonski okvir koji regulira sektor prirodnog plina usklađen s Trećim energetske paketom, a time i stepen liberalizacije i organizacije tržišta u Bosni i Hercegovini nije u potpunosti ujednačen. Na Ministarskom vijeću Energetske zajednice održanom u oktobru 2016. godine, potpisan je sporazum između tri nadležna ministarstva, Energetske zajednice i Evropske komisije, kojim je dogovoreno donošenje Zakona o regulatoru električne energije i plina, prijenosu i tržištu električne energije u Bosni i Hercegovini i usvajanje harmoniziranih entitetskih zakona kojima se uređuje sektor plina, a u skladu s Trećim energetske paketom, što bi dovelo do ujednačavanja normativnog okvira za uspostavu organizovanog tržišta prirodnog plina u Bosni i Hercegovini“. Također, potreba usvajanja ovih zakona navodi se i u Analitičkom izvještaju Evropske komisije o zahtjevu Bosne i Hercegovine za članstvo u Evropskoj uniji gdje se traži od Bosne i Hercegovine ne samo usvajanje državnih zakona o električnoj energiji i prirodnom gasu, već i dalje usklađivanje entitetskih zakona o gasu i električnoj energiji sa državnim zakonom, odnosno sa Trećim energetske paketom.

Dakle, riječ je ne samo o programskoj obavezi iz Programa rada Vijeća ministara Bosne i Hercegovine, već i o preuzetoj međunarodnoj obavezi. Sekretarijat Energetske zajednice, Evropska komisija i USAID više puta do sada su upozoravali na potrebu usvajanja navedenih zakonskih rješenja. Predstavnički dom Parlamenta Federacije Bosne i Hercegovine još ranije je na tematskoj sjednici iz januara 2020. godine dao podršku usvajanju državnog zakona o regulatoru električne energije i prirodnog gasa, prijenosu i tržištu električne energije u Bosni i Hercegovini. Ministarstvo vanjske trgovine Bosne i Hercegovine do sada je po Programu rada za 2020. godinu već trebalo dostaviti Vijeću ministara Bosne i Hercegovine na razmatranje Prijedlog zakona o regulatoru električne energije i prirodnog gasa, prenosu i tržištu električne energije u Bosni i Hercegovini. To se do danas nije desilo i Predstavnički dom Parlamentarne skupštine Bosne i Hercegovine ovom inicijativom želi dati podršku resornom Ministarstvu vanjske trgovine i ekonomskih odnosa Bosne i Hercegovine da ubrza potrebne procedure kako bi do kraja 2020. godine imali u parlamentarnoj proceduri ova zakonska rješenja.

S poštovanjem,


Dr. Denis Zvizdić